

გორში სახალხო ზეიმი „გორის დღეები“ გაიმართა

16 ოქტომბერი 2017

გორში, ტრადიციად ქცეული სახალხო დღესასწაული „გორის დღეები“, საზეიმო ვითარებაში ჩატარდა. წვიმიანი ამინდის მიუხედავად, ქალაქის ცენტრში მთელი დღის განმავლობაში ხალხმრავლობა შეინიშნებოდა. წელს „გორის დღეებმა“ სტარტი 11 ოქტომბერს საერთაშორისო საგუნდო მუსიკის ფესტივალის გახსნით აიღო, რომელიც 3 დღეს გაგრძელდა. ფესტივალში ქართველი შემსრულებლების გარდა მონაწილეობას ამჯერად აზერბაიჯანელი მუსიკოსებიც იღებდნენ. დასასრულ შიდა ქართლის გუბერნატორმა, კახა სამხარაძემ საღამოზე მისულ მაცურებელს მიმართა და მათ ღონისძიების წარმატებით დასრულება მიულოცა. 14 ოქტომბერს „გორის დღეებმა“ სცენიდან ქალაქის ცენტრში გადაიცაცვლა. მოენყო ადგილზე წარმოებული პროდუქციის გამოფენა-გაყიდვა. მუნიციპალიტეტის ფოლკლორულმა გუნდებმა საზოგადოებას ცეკვისა და მუსიკის ნიმუშები შესთავაზეს. შინაგან საქმეთა სამინისტრომ წარმოადგინა პროექტის „უსაფრთხო ქალაქი“ პრეზენტაცია, სადაც დამთვალეირებელს საშუალება ჰქონდა შსს-ს მიერ გამოფენილ იმ ტექნოლოგიებს გაცნობოდა, რომლის დახმარებითაც ძალოვანი უწყება საგამოძიებო საქმიანობას აწარმოებს. 15 ოქტომბრის ღონისძიებას გუბერნატორი კახა სამხარაძე საკუთარ და შინაგან საქმეთა მინისტრის მოადგილეებთან ერთად დაესწრო. ხელისუფლების წარმომადგენლებმა ქალაქის ცენტრში გამოფენილი ტექნიკა და ხელოვნების ნიმუშები დაათვალიერეს. გუბერნატორის თქმით აღნიშნული ღონისძიება უკვე ტრადიციად და ქცეული და ის სამომავლოდ უფრო მეტ მასშტაბებს შეიძენს. „გორის დღეები“ ქალაქ გორის მერიის მიერაა ინიცირებული და ყოველწლიური სახალხო ზეიმის სახეს ატარებს.